

*BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA*



IZVJEŠTAJ
*o ostvarivanju politike jedinice lokalne samouprave i
radu Općinskog načelnika za 2020. godinu*

Bosanska Krupa, februar 2021.godine

SADRŽAJ

1. Uvod	3
2. Aktivnosti općine Bosanska Krupa i općinskog načelnika u 2020. g.	4
3. Budžet i finansije	6
4. Lokalna uprava.....	6
5. Lokalni ekonomski razvoj i poljoprivreda	16
6. Obrazovanje, sport, kultura, mladi i NVO sektor.....	18
7. Infrastruktura - projekti	21
8. Javnost i transparentnost rada	23
9. Zaključak	24

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA

Na osnovu člana 22. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09), člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i člana 45. tačka 13. Statuta Općine Bosanska Krupa-prečišćen tekst 1 („Službeni glasnik Općine Bosanska Krupa“, broj 10/17) Općinski načelnik općine Bosanska Krupa, Općinskom vijeću podnosi:

I Z V J E Š T A J

o ostvarivanju politike jedinice lokalne samouprave i radu Općinskog načelnika za 2020. godinu

I U V O D

Izveštaj o ostvarivanju politike jedinice lokalne samouprave i radu Općinskog načelnika za 2019. godinu izrađen je u skladu sa odredbom člana 22. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09) prema kojoj: „Načelnik dužan je da redovno informiše vijeće o ostvarivanju politike jedinice lokalne samouprave“...., člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) kojim je određeno: „podnosi izvještaj vijeću o ostvarivanju politike jedinice lokalne samouprave i svom radu,“ ..., i člana 45. tačka 13. Statuta Općine Bosanska Krupa - prečišćen tekst 1 („Službeni glasnik Općine Bosanska Krupa“, broj: 10/17) Programom rada Općinskog načelnika za 2018. godinu i Programa rada Općinskog vijeća za 2018. godinu, a u cilju poštivanja ustavnosti, zakonitosti i javnosti u provođenju općinske politike, načelnik Općine dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova kantonalne uprave.

Općinski načelnik je nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH, te Zakon o lokalnoj samoupravi Unsko-sanskog kantona jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost nekoj drugoj vlasti na osnovu Ustava i zakona. U cilju poštivanja ustavnosti, zakonitosti i javnosti u provođenju općinske politike, načelnik Općine Bosanska Krupa dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova sa viših nivoa vlasti. Radom Jedinistvenog općinskog organa uprave rukovodi Općinski načelnik, kao organ izvršne vlasti u Općini, a u skladu sa Ustavom, zakonima, Statutom i drugim važećim propisima. Jedinistveni općinski organ uprave Općine Bosanska Krupa, kojom rukovodi Općinski načelnik, je organizovan je u 8 (osam) općinskih službi za upravu i

to: Kabinet općinskog načelnika, Služba za prostorno uređenje, imovinsko – pravne i geodetske poslove, Služba za komunalne djelatnosti, vode, zaštitu okoliša i inspekcijske poslove, Služba za zajedničke poslove, civilnu i protupožarnu zaštitu, Služba za finansije, Služba za opću upravu i društvene djelatnosti, Služba za obrt, poljoprivredu i poduzetništvo i Služba za upravljanje razvojem.

Rukovođenje Jedinim organom uprave, Općinski načelnik ostvaruje putem šefova službi, koji neposredno rukovode službama za upravu. U izvještajnom periodu aktivnosti Općinskog načelnika i Jedinog općinskog organa uprave Općine Bosanska Krupa bile su usmjerene, kako na redovne (Programom rada utvrđene zadatke), tako i na vanredne poslove koji su se pojavljivali u toku rada. Aktivnosti Općinskog načelnika su u svakom trenutku bile usmjerene na poboljšanje položaja Općine kao jedinice lokalne samouprave, te podizanje kvaliteta života građana općine na viši nivo. Službe su u svim oblastima kontinuirano radili na sprovođenju utvrđene politike i neposrednom izvršavanju zakona, podzakonskih akata, drugih propisa i općih akata, rješavali u upravnim stvarima, vodili propisane evidencije i izdavali druge isprave, pružali pravnu pomoć u ostvarivanju i zaštiti prava građana, te obavljali druge stručne i upravne radnje. Pored toga posebna pažnja je posvećena razvojnim projektima, te stvaranju uslova za otvaranje novih i dovršenje započetih projekata, kroz stalno praćenje stanja u pojedinim oblastima. Također, službe su u okviru nadležnosti i pozitivnih zakonskih propisa usmjerile svoj rad na sljedeće poslove i zadatke: izvršavanje zakona i drugih propisa iz oblasti za koje su formirane, sprovodile utvrđenu politiku, rješavale u upravno-pravnim stvarima, vršile analitičko praćenje stanja iz svojih nadležnosti, vršile inspekcijski nadzor iz nadležnosti Općine, te se starale se o izvršavanju i realizaciji Budžeta Općine.

II AKTIVNOSTI OPĆINE BOSANSKA KRUPA I OPĆINSKOG NAČELNIKA U 2020. GODINI

Polazeći od utvrđenog Programa rada, te od normativnog sadržaja nadležnosti Načelnika kao izvršnog organa, ovaj izvještaj predstavlja pregled aktivnosti koje su se poduzele u 2020. godini. Tačnije, prikazane su glavne aktivnosti u radu Načelnika prema područjima djelovanja i djelokruga izvršnih poslova. Izvještaj za 2020. godinu je rađen u cjelovitom obliku sa informacijama na godišnjem nivou iz različitih područja djelovanja. O svakoj od oblasti bi se moglo još mnogo reći, a s druge strane ima područja ili aktivnosti koje su važne za život svih nas, a nisu u Izvještaju ili zbog stvarne nadležnosti lokalne samouprave i Načelnika ili ograničenosti Izvještaja. Na kraju, nema definisane forme za ovakve izvještaje, kao što ni sama forma ne znači mnogo, ukoliko neko želi ili ne želi iz iste isčitati ili prepoznati suštinu.

Rad Općinskog načelnika u izvještajnom periodu odnosio se na ostvarivanje obaveza koje proizlaze iz njegove funkcije usmjeravanja i usklađivanja rada organa uprave, nadzorne funkcije nad radom organa lokalne uprave, odgovornosti za izvršavanje zakona, odluka i drugih akata koje donosi Općinsko vijeće, provođenja strateških dokumenata i drugih razvojnih planova i programa, kao i predlaganja realne politike u ostvarivanju funkcija lokalne samouprave.

Općinski načelnik je u toku izvještajnog perioda, u okviru svog djelokruga, obavljao izvršne poslove iz samoupravnog djelokruga općine koji su mu povjereni zakonom, utvrđivao je prijedloge općih akata koje donosi Općinsko vijeće, davao mišljenje o prijedlozima odluka i drugih akata, izvršavao i osiguravao izvršavanje općih akata općinskog vijeća, prostornih i urbanističkih planova te drugih akata Općinskog vijeća, upravljao nekretninama i pokretninama u vlasništvu Općine kao i prihodima i rashodima Općine, utvrdio način godišnjeg budžeta Općine, usmjeravao djelovanje Jedinog općinskog organa uprave u obavljanju poslova iz samoupravnog djelokruga Općine, nadzirao njihov rad, te obavljao i druge poslove u skladu sa zakonom, statutom Općine i aktima Vijeća. Prilikom realizacije programskih zadataka pridržavao sam se Ustava, zakona, Statuta Općine Bosanska Krupa, odluka i stavova Općinskog vijeća Bosanska Krupa.

Općinski načelnik, pomoćnici načelnika, šefovi službi, direktori javnih preduzeća i javnih ustanova, uz dobru saradnju sa općinskim vijećnicima, a svako u okviru svojih nadležnosti, sudjelovali su u izvještajnom periodu u oblikovanju i realizaciji postojećih, ali i nizu novih projekata, a sve u cilju stvaranja boljeg standarda građana. S tim u vezi, doneseno je niz odluka, pokrenuto i realizirano niz projekata, o čemu se više detalja nalazi u nastavku izvještaja.

Programom rada Općinskog načelnika za 2020. godinu utvrđeni ključni ciljevi su uspješno realizovani. Izvršeni su i najvažniji zadaci općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima sam se zajedno sa svojim saradnicima, državnim službenicima i zaposlenicima neposredno angažovao.

Pored propisanih i programom utvrđenih zadataka i obaveza, prioritet u radu bilo je kontinuirano djelovanje na unapređenju poslovanja, te što kvalitetnijem i efikasnijem komuniciranju i rješavanju zahtjeva građana. Kroz nadležnosti načelnika u obavljanju poslova iz zakonom određenog samoupravnog djelokruga u nastavku ovog izvještaja daje se pregled izvršenih poslova, a koje se odnose na oblast lokalne uprave, Obrazovanje, sport, kultura, mladi i NVO sektor, Civilno društvo i Kapitalni projekti i infrastruktura.

Ovaj izvještaj zapravo sadrži samo dio informacija rada općinskog načelnika, a mnogo detaljnije informacije o ostvarenju općinske politike i stanju u određenim oblastima rada i djelovanja sadržane su izvještaju o radu Jedinog općinskog organa uprave Općine Bosanska Krupa i izvještajima koje tokom godine razmatra Općinsko vijeće (izvještaji o izvršenju Budžeta, informacija o realizaciji Strategije općine Bosanska Krupa, izvještaji javnih ustanova i javnih preduzeća). U svim ovim izvještajima i informacijama sadržane su informacije o ostvarenju općinske politike u različitim oblastima.

Aktivnosti Općinskog načelnika i Jedinog općinskog organa uprave Općine Bosanska Krupa u 2020. godini bile su usmjerene u slijedećim pravcima:

III BUDŽET I FINANSIJE

Realizacija općinskih politika, Strategije i odluka se odvija i kroz blagovremeno pripremljeni i usvojeni Budžet Općine Bosanska Krupa, te kroz njegovu dosljednu i stabilnu realizaciju. Svi budžetski dokumenti su blagovremeno pripremljeni, podneseni i usvojeni. U Općini Bosanska Krupa Budžet za 2020. godinu je usvojen u mjesecu decembru 2020. godine.

Budžet i periodični izvještaji o izvršenju budžeta su objavljeni i nalaze se na web stranici Općine. Kroz budžet su realizovane i započete aktivnosti na infrastrukturnim projektima, a njegovom realizacijom je obezbijeđeno funkcionisanje organa uprave, zadovoljenje općedruštvenih potreba, zadovoljenje socijalnih potreba, sufinansiranje javnih ustanova, nevladinog sektora, poticaja privredi, poljoprivredi, osnovnim školama, đacima, studentske stipendije, te respektabilna kapitalna ulaganja. Prema periodičnim izvještajima o izvršenju budžeta za 2020. godinu, a koji su usvojeni od strane Općinskog vijeća, izvršenje budžeta je islo planiranom dinamikom.

Bez obzira na brojne poteškoće, uspjeli smo uskladiti trošenje sredstava sa prilivom prihoda, te redovno izvršavati svoje obaveze, što je rezultat kontinuirane štednje i racionalne potrošnje budžetskih sredstava. I dalje smo nastavili sa posvećivati maksimalnu pažnju budžetskoj disciplini i uspostavljanju sistema kontrole finansijskog poslovanja, te transparentnosti rada organa uprave u svim vidovima. Sve glavne prioritete u rashodima Općina Bosanska Krupa je realizirala. Općinska administracija se kontinuirano pridržava usvojenog Programa mjera štednje, kojim je propisana disciplina u trošenju i savjestan odnos prema budžetskim sredstvima, a i dalje su zastupljene uštede u svim segmentima. Redovno se podnosi i objavljuje detaljan izvještaj o utrošku tekuće budžetske rezerve, što je odraz opće opredijeljenosti da se osigura puna transparentnost utroška budžetskog novca. Realizacija Budžeta Općine Bosanska Krupa za 2020. godinu, u smislu prihoda i rashoda, će biti obuhvaćena izvještajem o izvršenju budžeta za prethodnu godinu, koji će se dostaviti Općinskom vijeću u roku iz člana 90. Zakona o budžetima u Federaciji Bosne i Hercegovine, a koji će sadržavati elemente propisane članom 97. navedenog Zakona.

Općina Bosanska Krupa je u 2020. godini provela 161 postupak javnih nabavki i to: otvorenih - 30 postupaka, konkurentskih – 31 postupak, direktnih – 96 postupaka i pregovaračkih bez objave obavještenja – 4 postupka u skladu sa Zakonom o javnim nabavkama BiH („Službeni glasnik BiH”, broj: 39/14). Od toga je okončano svih 161 postupak sa ukupno ugovorenom vrijednosti od 2.835.822,42 KM.

IV LOKALNA UPRAVA

Ovu izvještajnu godinu je obilježila pojava korona virusa, te je Odlukom Vlade Federacija Bosne i Hercegovine proglašeno je stanje nesreće uzrokovane pojavom koronavirusa (COVID 19), kao i Odlukom Općinskog načelnika o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine, u tom smislu organ uprave sa općinskim načelnikom je pored redovnih poslova i zadataka utvrđenih Programom rada Općinskog vijeća, Općinskog načelnika i Programom Jedinstvenog općinskog organa uprave Općine Bosanska Krupa bazirao i na slijedeće poslove:

Poduzeli smo niz mjera i aktivnosti radi sprečavanja širenja bolesti uzrokovane korona virusom, preventivne mjere, kao i mjere za ublažavanje negativnih posljedica izazvanih novim virusom korona (COVID-19) u općini Bosanska Krupa. Ovdje ćemo prikazati kratak osvrt na preduzete mjere i aktivnosti:

- Prva vanredna sjednica Općinskog štaba civilne zaštite na kojoj se razmatrao problem pojave koronavirusa održana je 19.03.2020. godine. Do održavanja prve vanredne sjednice Općinskog štaba civilne zaštite kontinuirano je zasjedao Krizni štab Općine Bosanska Krupa.
- Ukupno je održano 16 vanrednih sjednica Općinskog štaba civilne zaštite, od toga su bile 2 telefonske.
- Prve naredbe od strane Općinskog štaba civilne zaštite su donesene 21. marta 2020. godine.
- Slijedom donesenih naredbi Federalnog štaba civilne zaštite, Općinski štab civilne zaštite donio je ukupno 19 naredbi i iste su se objavljivale na zvaničnoj stranici Općine Bosanska Krupa.
- Općinski načelnik je ispred Općinskog štaba civilne zaštite gotovo svakodnevno u radio emisijama apelovalo na svijest i odgovornost građana u vezi sprečavanja širenja koronavirusa.

PODUZETE MJERE:

- Prilagođen rad sa strankama unutar Organa uprave, javnih ustanova i preduzeća.
- Podjeljeno oko 6.000 zaštitnih maski.
- Kontinuirano vršena dezinfekcija saobraćajnica.
- Izvršena dezinfekcija zgrade organa uprave, javnih ustanova, javnih preduzeća, Općinskog suda, Policije i Doma zdravlja, kao i vjerskih objekata.
- Formirani su štabovi civilne zaštite mjesnih zajednica, a za naselja su imenovani povjerenici civilne zaštite naselja, koji su bili u obavezi da održavaju stalne kontakte sa Općinskog štaba civilne zaštite Općine Bosanska Krupa, kao i da organiziraju pružanje pomoći u smislu odlaska u kupovinu, nabavku lijekova i osnovnih životnih namirnica i bilo koju drugu vrstu pomoći osobama starijim od 65 godina, te obilazak lica koja su se nalazila u samoizolaciji.
- Formiran je i Omladinski krizni štab Općine Bosanska Krupa koji je bio uključen u pružanje pomoći starim i iznemoglim licima, kao i onima koji imaju zabranu kretanja, licima iznad 65 godina, a koji su radili u saradnji sa Općinskim štabom civilne zaštite Općine Bosanska Krupa i na drugim poslovima.
- Socijalna podrška ugroženom stanovništvu - prehrambeno-higijenski paketi. U saradnji sa JU „Centar za socijalni rad“ Bosanska Krupa sačinili su se spiskovi

socijalno ugroženog stanovništva sa područja naše općine, te je uručeno 388 paketa.

- Također je od strane Udruženja „Mimoza“ Bosanska Krupa obezbjeđeno je 80, a od strane Mreža ProBudućnost 20 higijensko-prehrambenih paketa. Svi dobijenih od strane navedenih donatora supodijeljeni socijalno ugroženim licima a prema spisku koji je sačinjen od strane JU „Centar za socijalni rad“ Bosanska Krupa.
- 75 dana su se dostavljali obroci za 27 lica sa područja općine. Ukupno je podjeljeno 1875 obroka.
- Sve gore navedeno Općina je uspješno realizovala. Želimo da naglasimo da su se u ovoj situaciji Služba za spašavanje na vodi i pod vodom, uposlenici Jedinственog općinskog organa uprave, povjerenici su pokazali izuzetno uspješni i odgovorni građani našeg grada, radeći, iako su znali da su i sami u određenoj vrsti opasnosti. Moramo napomenuti da je bilo neopravdanih zahtjeva od strane građana, ali kroz zajedničku koordinaciju nastojalo se što više pomoći onima kojima je pomoć istinski bila potrebna u nastalojsituaciji.
- Gotovo svakodnevno se komuniciralo sa privrednicima sa područja naše općine.
- Održani sastanci sa predstavnicima različitih privrednih branši sa područja općine Bosanska Krupa. Tema sastanka je bila analiza trenutnog stanja i razmjena mišljenja oko podrške sa različitih nivoa vlasti.
- Od strane Kantonalne uprave civilne zaštite Općini je u doznačeno 20.000,00 na ime dezinfekcije i 20.000,00 KM akontacije jednokratne pomoći za provođenje hitnih mjera na zaštiti i spašavanju ljudi i materijalnih dobara i saniranju dijela šteta nastalih širenjem zaraze izazvane virusom COVID19.
- Također, bitno je napomenuti da je od strane firme „Smrča“ Bosanska Krupa Općini donirano 20 drvenih kreveta za opremanje izolatorija.
- Donesen Program dodjele subvencija poslovnim subjektima pogođenim krizom izazvanom novim virusom korona (COVID-19) u općini Bosanska Krupa koji je obuhvatao prvi set mjera podrške privrednim subjektima na području općine Bosanska Krupa u uslovima zabranjenog rada, kao i otžanog rada.
- Pružena podrška Petoj policijskoj stanici Bosanska Krupa (dato dva automobila na korištenje, gorivo, dodjeljene higijenske maske i dezinfekcijsko sredstvo).
- Pružena podrška ZU „Dom zdravlja“ Bosanska Krupa (dodjeljene higijenske maske i dezinfekcijsko sredstvo, kao i finansijska sredstva).
- Upućeni su zahtjevi za pomoć Ministarstvu poljoprivrede, vodoprivrede i šumarstva FBiH, Kantonalnoj upravi civilne zaštite i UNDP-Terenski ured Bihać.
- U toku je postupak izrade rješenja o utvrđivanju naknada za angažovane članove štabova civilne zaštite mjesnih zajednica i povjerenika civilne zaštite naselja.

- Općina Bosanska Krupa je prva Općine koja je uputila inicijativu Vladi Federacije BiH i Vladi USK-a za poduzimanje aktivnosti na izradi akata za angažiranje sredstava prikupljenih od naknade za izgradnju skloništa, a na osnovu koje je i donesen Zakon o ublažavanju negativnih ekonomskih posljedica („Službene novine Federacije Bosne i Hercegovine“, broj: 28/20),

Za prednje navedene namjene je sa danom izrade ove informacije ukupno je utrošeno sredstava kako slijedi:

R/br	Naziv	Namjena	Iznos
1.	ZU Dom zdravlja, Bosanska Krupa	nabavka MTS-a radi poduzimanja preventivnih mjera protiv koronavirusa (COVID-19) i za potrebe izolatorija ZU Dom zdravlja Bos.Krupa	20.000,00
2.	doo AQUA-FLOR, Bihać	dezinfekcija objekata	1.170,00
3.	doo Delta med, Cazin	maske, rukavice - isporuka sredstava lične zaštite ljudi	2.059,20
4.	DD BH Telecom, Sarajevo	Ultra start paketi i ultra dopune - otvaranje novih brojeva i dopune za angažovana lica na terenu	1.025,00
5.	JU Centar za socijalni rad	sredstva za dezinfekciju	132,35
6.	JKP "10 .JULI", Bosanska Krupa	pranje i dezinfekcija gradskih ulica	5.775,47
7.	Apoteka" Kovačević", Bihać	granule za dezinfekciju	125,00
8.	Medžlis Islamske zajednice Općine Bosanska Krupa	za dezinfekciju džamija na području Medžlisa IZ Bos.Krupa	1.170,00
9.	doo SANITEKS, Velika Kladuša	hirurške maske	4.680,00
10.	SINTEX, Cazin	isporuka madraca,jastuka, plahti i jastučnica za opremanje izolatorija	4.562,42
11.	Obrtnička radnja "TIM-MED", Bosanska Krupa	imunološka sredstva radi poduzimanja preventivnih mjera protiv koronavirusa (COVID 19)	1.695,00
12.	JKP "10 .JULI", Bosanska Krupa	izvršene usluge dezinfekcije javnih površina radi poduzimanja preventivnih mjera protiv koronavirusa (COVID 19)	1.419,44
13.	Udruženje mladih Lubarda-UML, Bužim	kupovina repromaterijala za izradu zaštitnih vizira radi poduzimanja preventivnih mjera protiv koronavirusa (COVID 19)	300,00

14.	JKP "10 .JULI", Bosanska Krupa	izrada vodovodne instalacije i elektroinstalacije i izradi pregradnih zidova-Prva osnovna škola (izolatorij) radi poduzimanja preventivnih mjera protiv koronavirusa (COVID 19)	2.711,04
15.	Služba za spašavanje na vodi i pod vodom	troškovi Službe radi poduzimanja preventivnih mjera protiv koronavirusa (COVID 19)	2.850,00
16.	DVD Bos.Krupa DVD Bos.Otoka	troškovi DVD Bos.Krupa (250 KM) i DVD Bos.Otoka (1.000 KM) radi poduzimanja preventivnih mjera protiv koronavirusa (COVID 19)	1.250,00
17.	doo GUMA M, Banja Luka	usluge servisiranja vozila Pete policijske uprave radi poduzimanja hitnih mjera zaštite i spašavanja u toku djelovanja zarazne bolesti koronavirusa (COVID 19)	656,50
18.	doo Čavkunović-BP, Bihać	isporučeno gorivo radi poduzimanja hitnih mjera zaštite i spašavanja u toku djelovanja zarazne bolesti koronavirusa (COVID 19)	11.089,44
19.	doo KARIN & MUJO POKALI, Bosanska Krupa	izrada akreditacija i fotokopiranje letaka radi poduzimanja hitnih mjera zaštite i spašavanja u toku djelovanja zarazne bolesti koronavirusa (COVID 19)	242,30
20.	Apoteka „Krup farm“ Bosanska Krupa	Beskontaktni toplomjeri	627,50
		U K U P N O :	63.540,00

U cilju provođenja vanrednih mjera za sprečavanje i suzbijanje zarazne bolesti, te zaštite stanovništva na teritoriji Federacije Bosne i Hercegovine, a time i na području općine Bosanska Krupa zabranjeno obavljanje djelatnosti određenim poslovnim subjektima naredbama Federalnog štaba civilne zaštite broj:12-40-6-148-26/20 od 19.3.2020. godine, broj: 12-40-2-148-26-1/20 od 27.3.2020. godine, Naredbom Kriznog štaba Općine Bosanska Krupa broj:01-40-2110/20 od 18.3.2020. godine, Naredbom Općinskog štaba civilne zaštite Bosanska Krupa broj:ŠCZ-40-114/20 od 23.3.2020. godine. Također, stupanjem na snagu odluka o proglašenju stanja nesreće uzrokovano pojavom koronavirusa (COVID 19) i navedenih naredbi pojedinim poslovnim subjektima je bilo otežano ili onemogućeno poslovanje.

Takve mjere su izazvale poteškoće u poslovanju poslovnim subjektima na teritoriji općine, te je Općina pripremila paket mjera za ublažavanje negativnih posljedica a koje su utvrđene Program dodjele subvencija poslovnim subjektima pogođenim krizom izazvanom novim virusom korona (COVID-19) u općini Bosanska Krupa broj: 01-40-2110/20 (u daljem tekstu: Program), donesenog od strane Općinskog načelnika dana 30.3.2020. godine.

Programom su utvrđene slijedeće vrste subvencija:

- **Subvencioniranje primarne poljoprivredne proizvodnje - repromaterijala za redovnu i dodatnu sjetvu kukuruza, krompira i graha**
- **Subvencije komunalne naknade**
- **Subvencije naknade za zauzimanje javne površine**
- **Subvencije troškova komunalnih usluga-odvoza otpada i**
- **Subvencije iznosa redovne kamate poslovnim subjektima.**

Shodno Programu izrađena je odluka o subvencioniranju i odluka o subvenciji iznosa redovne kamate poslovnim subjektima, te pravilnik o načinu utroška sredstva za poticaj primarnoj poljoprivrednoj proizvodnji na području općine Bosanska Krupa, koji akti su dostavljeni Općinskom vijeću i koji su od strane Vijeća i usvojene.

Na osnovu istih akata Jedinstveni općinski organ uprave je proveo potrebne postupke, te je sa danom izrade ove informacije na ime prednjih subvencija ukupno utrošeno sredstava kako slijedi:

R/b	NAZIV SUBVENCIJE	IZNOS KM
1.	Subvencioniranje primarne poljoprivredne proizvodnje - repromaterijala za redovnu i dodatnu sjetvu kukuruza, krompira i graha	295.563,60
2.	Subvencije komunalne naknade	58.509,33
3.	Subvencije naknade za zauzimanje javne površine	24.210,41
4.	Subvencije troškova komunalnih usluga-odvoza otpada	11.295,85
5.	Subvencije iznosa redovne kamate poslovnim subjektima	959,24
	U K U P N O:	390.538,43

U okviru drugog paketa mjera za ublažavanje negativnih posljedica izazvanih virusom korona (COVID-19) u općini Bosanska Krupa od strane Općinskog načelnika su doneseni slijedeći akti:

- Pravilnik o postupku i uvjetima dodjele jednokratne novčane pomoći licima kojima je u vrijeme trajanja stanja prirodne nesreće izazvane virusom covid 19 prestao radni odnos broj: 01-11-3558/20 od 30.6.2020. godine i broj:01-11-3823/20 od 17.3.2020. godine
- Program javnih radova na području općine Bosanska Krupa „Javnim radom za zajednicu i čist okoliš“ broj: 01-19-3910/20 od 22.6.2020. godine, broj:01-19-4278/20 od 17.7.2020. godine i broj:01-19-5157/20 od 18.8.2020. godine.

Program javnih radova na području općine Bosanska Krupa „Javnim radom za zajednicu i čist okoliš“ se temelji na društveno korisnom radu i mora biti neprofitan i nekonkurentan postojećoj ekonomiji na području na kojem se obavlja.

Cilj Programa je čišćenje obala rijeka Une i Krušnice, izletišta Šujnovac, Velikih Brijuna, starih gradova u Bosanskoj Krupi i Jezerskom od otpadnog materijala i samoniklog grmlja i šiblja, angažovanjem nezaposlenih lica sa evidencije nezaposlenih Javne ustanove „Služba za zapošljavanje Unsko-sanskog kantona“ Bihać, Biro rada Bosanska Krupa uz naknadu, a u svrhu izvršavanja poslova od šireg društvenog interesa. Angažovanjem nezaposlenih osoba u javnim radovima, društveno korisnim radom potiče se njihova socijalna uključenost, te omogućuje zarada kroz saradnju jedinice lokalne samouprave i institucija u njihovom vlasništvu, kao i nevladinih udruženja. Ujedno se povećava motiviranost za ostvarivanje naknade dugotrajno nezaposlenih osoba, s posebnim naglaskom na njihovu socijalnu uključenost.

Pored navedenog, Programom ima za cilj i podizanja svijesti javnosti, te se pokušava umanjiti dosadašnja praksa nepravilnog odlaganja otpada, a time i smanjiti zatrpavanje korita i obala rijeka, kao i drugih javnih površina otpadom.

Učesnici u realizaciji Programa su: Općina Bosanska Krupa, JKP „10. Juli“ d.o.o. Bosanska Krupa, Kanu klub „Kormoran“ Bosanska Krupa, ŠPD „Unsko-sanske šume“ d.o.o. Bosanska Krupa i radno sposobni osoba sa područja općine Bosanska Krupa koja se nalaze na evidenciji nezaposlenih Javne ustanove „Služba za zapošljavanje Unsko-sanskog kantona“ Bihać, Biro rada Bosanska Krupa.

- Program podrške subjektima male privrede zbog posljedica izazvanih pandemijom koronavirusa (COVID-19) u 2020. godini broj:01-11-4031/20 od 26.6.2020. godine na koji je Općinsko vijeće dalo saglasnost

➤ Drugi paket mjera obuhvatao je slijedeće vrste podrške:

R/b	NAZIV SUBVENCIJE	IZNOS KM
1.	Jednokratne novčane pomoći licima kojima je u vrijeme trajanja stanja prirodne nesreće izazvane virusom covid 19 prestao radni odnos	14.045,00
2.	Podrška pivredi	82.500,00
3.	Subvencioniranje prevoza redovnih općinskih linija (Bosanska Krupa-Bosanska Otoka-Ivanjski put; Šabići-Veliki Badić-Bosanska Krupa; Mahmić Selo-Pištaline-Bosanska Krupa)	20.000,00
4.	Program javnih radova	72.588,41
	U K U P N O:	189.133,41

Također, Federalno ministarstvo za poljoprivredu, vodoprivredu i šumarstvo dana 10.04.2020. godine raspisalo je Javni poziv za prikupljanje prijava za poticanje proljetne sjetve u Federaciji BiH za 2020. godinu za poljoprivredne proizvođače upisane u Registar poljoprivrednih gazdinstava/ili Registar klijenata. Predmet Javnog poziva bio je prikupljanje prijava za poticanje proljetne sjetve na teritoriji Federacije Bosne i Hercegovine za 2020.godinu.

Pravo učešća po ovom Javnom pozivu imali su Klijenti – Jedinice lokalne samouprave gradovi/općine Federacije Bosne i Hercegovine koje sufinansiraju programe poticanja proljetne sjetve i ispunjavaju uslove određene u tački IV ovog Javnog poziva. Klijenti – Jedinice lokalne samouprave gradovi/općine podnose prijavu na ovaj Javni poziv na obrascu PSRP koji sadrži preliminarnu listu krajnjih korisnika i druge podatke za poljoprivredne proizvođače sa svog područja za troškovesufinansiranja:

- nabavke sjemena, mineralnih gnojiva i zaštitnih sredstava za proizvodnju, silažnog i merkantilnog kukuruza, heljde, povrća (paradajz, paprika, krastavac, patlidžan, mrkva, cvekla, grah, luk bijeli, luk crveni, zelena salata, krompir i sl.) i drugih poljoprivrednih kultura.

Općina Bosanska Krupa je uredno je poslala svoju prijavu po ovom Javnom pozivu i zaključila je Sporazum o realizaciji Programa poticanja proljetne sjetve sa Federalnim ministarstvom za poljoprivredu, vodoprivredu i šumarstvo. Sporazumom je definisan model finansiranja i to: učešće Općine Bosanska Krupa u iznosu od 10.000,00 KM i učešće Ministarstva u iznosu od 40.000,00 KM.

Po okončanu postupka u skladu sa pomenutim Sporazumom objavljena je Konačna rang lista na kojoj se nalazi 76 klijenata koji su ostvarili pravo na poticaj.

Na ime provođenja preventivnih mjera, hitnih mjera na zaštiti i spašavanju ljudi i materijalnih dobara, te saniranju dijela šteta nastalih širenjem zaraze izazvane virusom COVID19 do sada je utrošeno 693.211,84 KM.

Od navedenog iznosa 40.000,00 KM je doznačeno od strane Kantonalne uprave civilne zaštite i 40.000,00 KM Federalnog ministarstva za poljoprivredu, vodoprivredu i šumarstvo, a iznos od 613.211,84 KMsu sredstva Budžeta Općine Bosanska Krupa.

- Jedinstveni općinski organ uprave Općine Bosanska Krupa

Jedinstveni općinski organ uprave Općine Bosanska Krupa, kojom rukovodi Općinski načelnik, je organizovan je u 8 (osam) općinskih službi za upravu i to: Kabinet općinskog načelnika, Služba za prostorno uređenje, imovinsko – pravne i geodetske poslove, Služba za komunalne djelatnosti, vode, zaštitu okoliša i inspekcijske poslove, Služba za zajedničke poslove, civilnu i protupožarnu zaštitu, Služba za finansije, Služba za opću upravu i društvene djelatnosti, Služba za obrt, poljoprivredu i poduzetništvo i Služba za upravljanje razvojem.

Općina Bosanska Krupa je krajem 2020. godine imala 88 zaposlena radnika

Status \ Spolna struktura	M	Ž	Ukupno
1. Državni službenici	12	24	36
2. Namještenici	29	23	52

U oblasti ljudskih resursa, može se reći da je stanje zadovoljavajuće. Izvršeni poslovi realizovani su sa postojećim materijalno tehničkim sredstvima. U izvještajnoj godini kontinuirano se radilo na poboljšanju u organizaciji i funkcionisanju općinske uprave u skladu sa evropskim standardima.

U toku izvještajnog perioda nije se donosio novi Pravilnik o unutrašnjoj organizaciji i sistematizaciji radnih mjesta Jedinog općinskog organa uprave Općine Bosanska Krupa, vršene su izmjene i dopune postojećeg Pravilnika. Ukupno je sistematizovano 122 radnih mjesta, od toga popunjenih je 88, upražnjenih 34. Broj novouposlenih namještenika putem javnog konkursa na neodređeno vrijeme je 1 (jedan) u Službi za opću upravu i društvene djelatnosti na radno mjesto dostavljač i 1 (jedan) namještenik na određeno vrijeme pomoćni radnik-radnica na održavanju čistoće u Službi za civilnu i protupožarnu i zajedničke poslove u trajanju od šest mjeseci.

Tokom izvještajnog perioda vršeno je ocjenjivanje državnih službenika i namještenika za period od 1.12.2019. do 15.9.2020. godine, te shodno tome jednom su donesena Rješenja o ocjenjivanju državnih službenika i namještenika, te je Izvještaj o ocjenjivanju dostavljen Agenciji u skladu sa Pravilnikom.

U toku izvještajnog perioda državni službenici su prisustvovali obukama stručnog usavršavanja i osposobljavanja organizovanim od strane Agencije za državnu službu FBiH.

U toku 2020. godine proveden je postupak penzionisanja četiri uposlenika, od toga jedan državni službenik i 3 namještenika, a zbog navršenih 65 godina života i najmanje 20 godina staža osiguranja, odnosno navršenih 40 godina staža osiguranja bez obzira na godine života. Tokom izvještajnog perioda jedan namještenik je preminuo.

U ovom izvještajnom periodu smo istrajali na kontinuiranim mjerama štednje potrošnji papira, kancelarijskog materijala, kopiranja i umnožavanja (koje je isključivo u vlastitoj režiji) i svih drugih sitnih rashoda. Vozni park općine korišten je racionalno i u okvirima predviđene potrošnje.

U ovom izvještajnom periodu u Bosanskoj Krupi je obezbijeđeno besplatno pravno savjetovanje iz oblasti građanskih prava. Besplatna pravna pomoć građanima se pruža u zgradi Općine Bosanska Krupa, jednom mjesečno, od 9,00 sati. U svrhu pružanja besplatne pravne pomoći Općina Bosanska Krupa je obezbijedila prostor.

U skladu sa Programom rada, u izvještajnoj godini, urađeni su i slijedeći poslovi:

- nastavili sa održavanjem svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina,
- u oblasti rekonstrukcije puteva nastavili sa započetim projekatima rekonstrukcije puteva, te radili na novim projektima,
- radilo se na stvaranju energetski efikasne općine, koja će i na tom polju biti u stanju nositi se sa evropskim standardima,
- radilo se na završetku izrade informacionog sistema za praćenje svih projekata na nivou lokalne zajednice,
- u cilju obezbjeđenja finansijskih sredstava za realizaciju projekata, radilo se na izradi projektnih aplikacija i apliciranje prema međunarodnim organizacijama i donatorima, kroz brojne projekte na nivou BiH, ali i u okviru prekogranične saradnje,
- kontinuirano se radilo stručnom osposobljavanju i usavršavanju uposlenika, i dalje smo davali punu podršku lokalnom privrednom razvoju, planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podršci razvoju poljoprivrede i ruralnih područja,

- nastavku primjene programa štednje u organima uprave i drugim institucijama i organima koji se finansiraju iz budžeta općine,
- radili smo na poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd, inoviranju socijalnih programa i brige za ugrožene i kategorije u stanju socijalne potrebe, boračku populciju, raseljena lica i izbjeglice,
 - konstantno se radilo na praćenju stanja priprema za zaštitu i spašavanje od prirodnih i drugih nesreća na području općine i preduzimale pravilne, stručne, efikasne i blagovremene mjere, sa Uredom BHMAC-a kontinuirano se radilo na predlaganju i praćenju projekata deminiranja, tehničkog izviđanja i trajnog obilježavanja rizičnih površina od mina na području općine,
 - vršeno je prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama; obavljani su i poslovi: praćenje klimatoloških prilika na području općine (mjerjenje temperaturne vrijednosti zraka, praćenje vodostaja svih rijeka, snježnog pokrivača, praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara); konstantno se koordiniralo i pružala pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća, pratile klimatološke prilike na području općine (mjerjenje temperaturne vrijednosti zraka, praćenje vodostaja svih rijeka, te snježnog pokrivača).
 - nastavili smo sa realizacijom obaveza utvrđenih Memorandumom o saradnji u projektu PRO-Budućnost. Projekt provodi CRS (Catholic Relief Services) u saradnji sa Fondacijom Mozaik, Caritasom Biskupske konferencije Bosne i Hercegovine, Forumom građana Tuzla i Helsinškim parlamentom građana. Cilj projekta je izgradnja povjerenja među građanima svih etničkih skupina u Bosni i Hercegovini.

Ključna oblast za općinu je bila i ostala komunalna problematika, kao osnova jedinice lokalne uprave. Održavanje puteva, gradskih ulica i drugih javnih površina obavljalo se najkvalitetnije, a u skladu sa raspoloživim sredstvima u ljetnom i u zimskom periodu. Napominjemo da je proširena mreža puteva koji su obuhvaćeni ljetnim i zimskim održavanjem. U toku izvještajnog perioda u prostornoj oblasti obavljali su se posloviplaniranja i uređenja prostora, priprema i provođenje planskih akata, analiza postojeće prostornoplanske dokumentacije i iniciranje njene izmjene, vođenje upravnog postupka u predmetima izdavanja urbanističke saglasnosti, odobrenja za građenje i upotrebu objekata.

Tokom 2020. godine na području općine Bosanska Krupa obavljeno je 147 vjenčanja. Ukupno je provedeno 69 postupaka odobravanja jednokratne novčane pomoći porodiljama u skladu sa Pravilnikom o visini i načinu isplate jednokratne novčane pomoći porodiljama.

Bitno je napomenuti da se veliki problemi u funkcionisanju MZ-a i dalje nastavljaju. Naime, predsjednicima i članovima savjeta mjesnih zajednica je istekao mandat dana 27.10.2019.godine. Nadležnost za imenovanje predsjednika i članova savjeta mjesnih zajednica ima Općinsko vijeće. Međutim, do danas Općinsko vijeće nije donijelo odluku o raspisivanju izbora, a samim tim nisu imenovani ni organi mjesnih zajednica na području općine Bosanska Krupa. Sveovo najviše utječe na građane naše općine koji su onemogućeni u ostvarivanju svojih prava.

U skladu sa Odlukom o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda („Službeni glasnik općine Bosanska Krupa“ broj: 12/17) uredno, ažurno i blagovremeno vodila se evidencija lica koja ostvaruju pravo na subvencioniranje u 2020. godini. Ukupno evidentirano 33 lica koja su podnijela zahtjev i ostvarila pravo na subvencioniranje u 2020. godini. Ukupan broj lica – članova domaćinstva koja su ostvarivala pravo na subvencioniranje je 65. U ovim evidencijama se bilježi povećanje broja korisnika u odnosu na 2019. godinu, a iz raloa jer je Općinsko vijeće usvojilo Program o izmjenama i dopunama Programa subvencioniranja dijela troškova komunalnih usluga vodosnabdijevanja i odvodnje i prečišćavanja otpadnih voda za socijalno ugrožene kategorije stanovništva, te Odluku o izmjenama i dopunama Odluke o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda kojima su pored lica koja su ostvarivala prava, omogućeno i ostvarivanje prava na subvenciju i penzionerima starijim od 65 godina starosti - korisnicima najniže penzije, koji nemaju primanja po drugom osnovu (inostrana penzija i sl.) i čiji članovi domaćinstva osobe sa nedovoljnim prihodima za preživljavanje, te porodiljama pod uslovom da su oba roditelja bila nezaposlena u vrijeme rođenja djeteta.

U 2020. godini općinske službe za upravu realizovale su veliki broj poslova i zadataka, a obim i efikasnost u rješavanju zaprimljenih predmeta u upravnom rješavanju će biti prikazan u posebnom izvještaju o radu Jedinственog općinskog organa uprave općine Bosanska Krupa za 2020. godinu koji se razmatra kao posebna tačka dnevnog reda na sjednici Općinskog vijeća.

Kako je Općinski načelnik zajedno sa službama u najvećoj mjeri predlagač akata iz Programa rada Općinskog vijeća Bosanska Krupa, pravovremeno i maksimalno efikasno pripremali smo predmetne materijale kojih je u izvještajnom periodu bilo 55. Naravno, osim planiranih aktivnosti u ovom segmentu, Općinsko vijeće razmatralo je i nove normativne i druge akte za čijom izradom se ukazala potreba. Osim toga, svi općinski propisi su se redovno usklađivali, na nivou svake službe, sa izmjenama i dopunama zakonske regulative.

Međusobni odnosi Općinskog vijeća većinom su se zasnivali na principima međusobnog uvažavanja i saradnje, mada je ponekad to izostajalo, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje i razvoj općine. Kroz vlastiti angažman, koordinaciju i usmjeravanje rada službi općinske uprave, drugih organa i komisija, urađen je najveći dio posla i obaveza u izvršavanju odluka i zaključaka Općinskog vijeća.

Također su uzeli aktivno učešće i u radu Saveza općina i gradova FBiH, te nastavili saradnju sa drugim općinama i gradovima, kako u zemlji tako i u inostranstvu.

V LOKALNI EKONOMSKI RAZVOJ I POLJOPRIVREDA

Bez obzira na teško stanje izazvano koronavirusom i tokom 2020. godine, kao i ranijih godina, nastavljene su aktivnosti oko stvaranja što povoljnijeg poslovnog ambijenta, radi ulaganja domaćeg i stranog kapitala na području općine Bosanska Krupa, kao i otvaranja novih radnih mjesta. Naša općina je prepoznatljiva općina po povoljnom poslovnom okruženju, a posebnu pažnju zaslužuje širok spektar pogodnosti koje su omogućene investitorima.

Kontinuirano smo radili i radimo na iznalaženju potencijalnih investitora koji su spremni ulagati na području naše općine, a cilju poboljšanja ekonomskog razvoja općine Bosanska Krupa, što se ogleda kroz slijedeće:

- organiziramo sastanke sa privrednicima, putem Privrednog savjeta, radi otklanjanja prepreka za razvoj privrede i nova zapošljavanja,
- dajemo finansijsku podršku,
- promoviramo razvoj poduzetništva i obrta,
- aktivno saradujemo sa privatnim sektorom i iznalazimo nove mogućnosti za poboljšanje ambijenta za razvoj poduzetništva, kreiranjem budžeta i programa utroška sredstava težimo da se dio socijalnih izdvajanja pretvori u poduzetničku podršku,
- dajemo značaj vlastitom učešću poljoprivrednih proizvođača i poduzetnika,
- pružamo maksimalnu podršku lokalnom biznisu s ciljem da u najkraćem roku i na jednom mjestu poduzetnik riješi svoje zahtjeve, koji se tretiraju kao zahtjevi visokog prioriteta u radu općinskih službi,
- pružamo podršku postojećim poslovnim djelatnostima i motivišemo potencijalne poduzetnike na što ranije započinjanje novih poslova,
- u budžetu i programima planiramo podsticaje za razvoj start up biznisa i poljoprivrede radi motivisanja građana za otpočinjanje vlastitog biznisa,
- gradimo infrastrukturu u poslovnoj zoni,
- radi ponude zainteresovanim investitorima identificirali smo slobodne lokacije za gradnju,
- poduzimamo aktivnosti oko izmjene prostorno-planske dokumentacije, kako bi stvorili što povoljnije uslove za razvoj privrede,
- radimo na realizaciji programa razvoja turizma i korištenja turističkih potencijala, radimo na jačanju veza sa stanovništvom u dijaspori i dr.

Također, nastojimo intenzivnije razvijati poljoprivrednu proizvodnju, podsticati poljoprivredne proizvođače kako bi proizveli značajnije količine poljoprivrednih proizvoda za vlastite potrebe i za potrebe tržišta, te na taj način obezbijedili egzistenciju sebi i svojoj porodici.

Na području naše općine, zastupljeni su različiti vidovi poljoprivredne proizvodnje, a u stočarskoj proizvodnji i dalje je najrazvijenije govedarstvo odnosno proizvodnja mlijeka kojom se bavi najveći broj gazdinstava. Uz proizvodnju mlijeka prisutni su i razvijaju se i drugi vidovi poljoprivredne proizvodnje kao što je proizvodnja mesa, proizvodnja povrća na otvorenom i zatvorenom prostoru, proizvodnja maline dr.

U 2020. godini sredstva za podršku razvoja poljoprivrede su utrošena sa sufinanciranjem troškova proletne sjetve redovnih i dodatnih sjetvenih površina u skladu sa Pravilnikom za ukupno 814 korisnika.

Uporno, kontinuirano i svesrdno zalaganje Općine Bosanska Krupa na unapređenju i poboljšanju ambijenta za ulaganja postalo je prepoznatljivo obilježje ove lokalne zajednice.

U drugoj polovini 2020. je provedena procjena učinka unutar sistema upravljanja rezultatima i Općina Bosanska Krupa je u procjeni na polju dobre uprave ostvarila ukupni rezultat od 78,80 bodova od mogućih 100, čime je svrstana u red JLS koje bilježe visok učinak unutar sistema upravljanja rezultatima. Takav rezultat ukazuje na činjenicu da je Bosanska Krupa uspostavila odgovarajuće mehanizme za lidersku ulogu predstavničkih

organa vlasti, njihovo efikasno odlučivanje i nadzornu ulogu iako sa određenim manjkavostima; transparentan i odgovoran rad lokalnih vlasti je nužno dalje unaprjeđivati.

Saradnja sa privrednicima i potencijalnim investitorima ostvarivala se u duhu otvorene i neposredne saradnje. Održavani su sastanci, a Općinski načelnik je tokom godine posjećivao poslovne subjekte u različitim prilikama (planiranje investicija, poslovni rezultati i dr.).

VI OBRAZOVANJE, SPORT, KULTURA, MLADI I NVO SEKTOR

Obrazovanje

I ovoj izvještajnoj, a po redu desetoj godini zaredom, realizujemo projekt stipendiranja svih studenata sa područja naše općine. Za prošlu školsku godinu potpisali smo ugovore sa svim redovnim studentima sa područja naše općine o cjelogodišnjem stipendiranju, a u skladu sa kriterijima za dodjelu stipendija, zaključeno je 77 ugovora o stipendiranju.

Općina je i u ovoj izvještajnoj godini sufinansirala prijevoz učenika putnika koji pohađaju srednju školu i to: za djecu bez jednog ili oba roditelja, subvencioniranje prijevoza za sve učenike putnike u visini od 30%, za djecu bez jednog roditelja obezbijedili subvenciju od 50%, a bez oba roditelja prijevoz se finansira u iznosu od 100 %.

U izvještajnom periodu smo radili i na održavanju školskih objekata, podržali sve manifestacije osnovnih škola.

Sport

U Budžetu Općine Bosanska Krupa osigurana su sredstva za rad i sufinansiranje programa različitih sportskih klubova i udruženja, te redovnu djelatnost Sportskog saveza općine. Redovna djelatnost i sportske aktivnosti udruženja iz oblasti sporta (su)finansirane su sredstvima Budžeta za 2020. godinu. Općina Bosanska Krupa kontinuirano prati stanje sportske infrastrukture.

Subvencionirali smo sportske manifestacije, takmičenja i turnire.

Kultura

U izvještajnom periodu u oblasti kulture, koja obuhvata sve oblike stvaralaštva, prenošenja i očuvanja kulturnih vrijednosti, Općina je većinu svojih aktivnosti usmjerila na stvaranje mogućnosti za razvoj kulturnih djelatnosti i obezbjeđenje uslova za stvaranje, prenošenje i dostupnost kulturnih vrijednosti građanima općine Bosanska Krupa.

Nastavljena je neposredna saradnja sa ustanovama i institucijama kulture u realizaciji utvrđenih i usvojenih projekata i programa, a vršen je i nadzor nad njihovom realizacijom.

I u izvještajnoj godini, kao i u godinama iza nas, na području općine odvijale su se raznovrsne kulturne aktivnosti od kojih ćemo istaći najznačajnije.

Uspješno je realizovan porojekt "Bosanska Krupa - grad malih sajмова", organizovani su sajmovi knjiga, organske proizvodnje, ljekobilja i meda, te sajam narodnih rukotvorina. Održan je i peti po redu Novogodišnji sajam.

Kao i svake godine, mada ove izvještajne godine na nešto drugačiji način, obilježeni su značajni datumi: Dan nezavisnosti BiH, Dan IDČ "Faraoni", Dan Armije R BiH, Dan otpora agresiji na općinu Bosanska Krupa, Dan oslobođanja Kobiljnaka, Dan prve zakletve TO, Dan Patriotske lige BiH, Godišnjica pogibije komandanta Mirsada Crnkića, Bitka za Osmaču, Dan oslobođanja Čojluka, Dan genocida u Srebrenici, Obilježavanje bitke za Crkvinu, Dan 511. Slavne bbr., Dan šehida, Dan oslobođenja Bosanske Krupe, Dan slamanja ofanzive na Plavno i Joju, Dan uspostavljanja mostobrana Ostružnica, te Dan državnosti BiH.

Održana je Likovna kolonija Krušnica, općinska smotra znanja i sposobnosti, 26. Književni susreti „Stazama djetinjstva“ Bosanska Krupa i Unski lađari.

Na svečan i dostojanstven način obilježeni su septembarski dani slobode i 17. septembar - Dan općine Bosanska Krupa, kao i proslava godišnjice od formiranja 511. slavne bbr.

Sredstvima Budžeta Općine Bosanska Krupa za 2020. godinu (su)finansirani su programi institucija i udruženja iz oblasti kulture i to:

- KUD „Grmeč“ Bosanska Krupa,
- KUD „Mladost“ Bosanska Otoka,
- KUD „Stari grad“ Bosanska Krupa,
- KUD „Jezerki“ Jezerski,
- JU „Centar za kulturu, obrazovanje i informisanje“ Bosanska Krupa.

Mladi

Nastavili smo sa realizacijom programa Omladinska banka, potpisan Sporazum o saradnji i Deklaracija Mreže omladinskih banaka u okviru programa „Omladinska banka BiH“.

Kroz dva javna poziva Omladinske banke Bosanska Krupa za podršku projektima neformalnih grupa mladih ukupno je odobreno 33 projekta, te jedan projekat kojeg su aplicirali članovi Odbora omladinske banke na godišnjoj konferenciji koja je održana u Sarajevu, te je isti projekt u potpunosti finansirala Fondacija Mozaik, znači ukupno su podržana 34 projekta što je Općinu Bosanska Krupa svrstalo u sami vrh, odnosno Općina Bosanska Krupa je proglašena najuspješnijom Omladinskom bankom u Bosni i Hercegovini. Svi odobreni projekti su uspješno i realizirani. Ukupna vrijednost projekata je 49.672,67 KM, od kojih je Općina Bosanska Krupa izdvojila 17.273,52 KM, a Fondacija Mozaik 12.868,15 KM, doprinos neformalnih grupa iznosio 19.531,00 KM, broj volontera: 553, broj volonterskih sati: 5047, ukupan broj korisnika: 4476.

Kroz program Omladinske banke nije bilo podržanih mikrobiznisa iako je Javni poziv bio objavljen četiri puta, međutim niti po jednom javnom pozivu nije bilo pristiglih prijava.

Kao i prethodnih godina i ove godine je putem Službe za opću upravu i društvene djelatnosti Općinski načelnik dva puta raspisivao Javni poziv za finansiranje najboljeg omladinskog start up biznisa po kojima nije bilo zaprimljenih prijava.

Ovaj program ima za cilj poboljšanje i jačanje mehanizma podrške omladinskom preduzetništvu u lokalnoj zajednici, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima. Ideja koja se prijavljivala morala se obraditi kao biznis plan u bilo kojoj djelatnosti osim trgovine i ugostiteljstva, izuzev originalnih ideja vezanih za turizam i domaće proizvode, pod uslovom da se realizuje na području općine Bosanska Krupa.

I u ovoj izvještajnoj godini raspisan je i Javni poziv za su/finansiranje projekata iz Granta za mlade. Nakon okončane propisane procedure zaključeni su ugovori o su/finansiranju projekata iz Granta za mlade sa ukupno sedam neformalnih grupa za mlade čija je ukupna vrijednost iznosila 10.491,75 KM. S obzirom da je ove godine bio povećan broj zainteresiranih neformalnih grupa mladih raspisan je i Ponovni javni poziv za sufinansiranje projekata iz Granta za mlade. Nakon završene konkursne procedure potpisani su ugovori o su/finansiranju projekata sa još 11 neformalnih grupa mladih, čija je ukupna vrijednost bila 17.838,00 KM, što znači da smo tokom 2020. godine podržali projekte neformalnih grupa mladih ukupne vrijednosti 28.329,75 KM.

Iz Budžeta Općine tokom izvještajne godine subvencionirali smo prijem volontera u javna preduzeća i javne ustanove.

NVO sektor

Projekte, programe, te rad Udruženja roditelja djece sa posebnim potrebama „Ada“ Bosanska Krupa, Udruženja Reis „Džemaludin Čaušević, Udruženje „Aktiv žena“ Otoka, Udruženje „Vakat“ Jezerski, Udruženje dijabetičara Bosanska Krupa, Udruženje pčelara „Lipa“, Udruženje planinarsko društvo „Grmeč“, humanitarna udruženja i Crveni križ, kao i drugih nevladinih organizacija smo sufinansirali iz Budžeta Općine.

U 2020. godini raspisan je Javni poziv za su/finansiranje projekata NVO sredstvima Budžeta općine Bosanska Krupa za 2020. godinu. Nakon okončane propisane procedure zaključeni su ugovori o su/finansiranju projekata NVO sa ukupno 12 nevladinih organizacija čija je ukupna vrijednost iznosila 16.550,00 KM. S obzirom da je ove godine bio povećan broj zainteresiranih nevladinih organizacija raspisan je i Ponovni javni poziv za sufinansiranje projekata NVO. Nakon završene konkursne procedure potpisani su ugovori o su/finansiranju projekata NVO sa još deset nevladinih organizacija čija je ukupna vrijednost 14.000,00 KM, što znači da smo tokom 2020. godine podržali projekte nevladinih organizacija ukupne vrijednosti 30.550,00 KM.

Podržane su sve manifestacije koje su organizovali nevladina udruženja.

Penzioneri

U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima kao pripadnicima najugroženije kategorije stanovništva u općini, iz sredstava Budžeta Općine Bosanska Krupa za 2020. godinu, kao i

prošle godine, socijalno ugroženim penzionerima tokom čitave godine dodjeljivana su sredstva za jednokratne pomoći za nabavku ogrjeva, prehrane i drugih nužnih potreba. Pored navedenog finansijski je potpomognut rad i aktivnosti ovog Udruženja.

Boračka populacija u konceptu lokalne samouprave

U oblasti dopunskih prava branilaca i članova njihovih porodica Odluka o općinskim administrativnim taksama je u potpunosti primjenjena na ove kategorije. U izvještajnom periodu radili smo na održavanju šehidskih spomen obilježja, spomen sobe, šehitluka. U cilju olakšanja rada boračkih udruženja obezbijeđeno je korištenje općinskih prostorija bez naknade. Obezbijeđena su nužna sredstva:

- za funkcionisanje boračkih udruženja,
- za rješavanje stambenih potreba najugroženijih,
- za jednokratne pomoći.

Osim navedenog subvencionirali smo sve manifestacije, te programe iz ove oblasti.

VII INFRASTRUKTURA - PROJEKTI

Investiciona ulaganja na području općine.

Pregled najvažnijih realiziranih kapitalnih projekata u 2020. godini:

R/b	NAZIV PROJEKTA	UKUPNA VRIJEDNOST
1.	Proširenje i infrastrukturno opremanje PZ Pilana	154.861,00
2.	Vatreni mlin Poslovna zona (MEG)- Izgrađena infrastruktura PZ Vatreni mlin	159.841,00
3.	Radovi na prenosu sekundarnog cjevovoda i vodovodnih priključaka sa AC na PHD cjevovod u Prvomajskoj ul. Bos.Krupa – MEG projekat –poboljšanja vodosnabdjevanja općine B.Krupa - Prebačeni priključci na PHD cjevovod	138.406,00
4.	Izvođenje radova na priključenju naselja Mujagići i Manda na kanalizacionu mrežu	72.585,00
5.	Izgradnja kanalizacije u dijelu naselja Krčevina - Izgrađena kanalizacija u planiranoj dužini	20.000,00
6.	Izgradnja spomen obilježja u Jezerskom	49.890,00
7.	Izgradnja gradske bine na „Zelenim otocima“u B.Krupi - Izgrađena bina za potrebe manifestacija	4.680,00
8.	Objekat – zgrada Gimnazije (zanatski radovi prizemlje i sprat)	334.608,00
9.	Izvršena rekonstrukcija i asfaltiranje putne mreže	1.166.515,00
10.	Izgradnja memorijalnog spomen obilježja „Ćojluk“	104.196,00

11.	Objekat BSC u PZ Pilana - Uređen okoliš oko objekta	27.995,00
UKUPNO		2.233.577,00

	OSTALI PROJEKTI	UKUPNA VRIJEDNOST
	NAZIV PROJEKTA	
1.	Regulacija potoka Kalender – izgradnja XVI- Noveliran dio projektne dokumentacije	2.340,00
2.	Izrada projektne dokumentacije za potrebe infrastrukturnih i dr. projekata - Izrađena plan. projektna dokumentacija	13.344,00
3.	Nabavka vozila za JKP „10.JULI“	48.251,00
4.	Usluge nadzora nad izvođenjem radova	12.414,00
5.	Čišćenje javnih saobraćajnih površina u naseljima	30.000,00
6.	Zimska služba (redovno održavanje i dio nekateg.cesta)	11.759,00
7.	Održavanje i uređivanje javnih zelenih površina	60.000,00
8.	Odvođenje atmosferskih voda	7.998,00
9.	Zbrinjavanje pasa lotalica	14.479,00
10.	Održavanje i izgradnja javne rasvjete	50.679,00
11.	Održavanje lokalnih i nekategorisanih puteva i odbojna ograda uz željezničku prugu	24.316,00
12.	Nepredviđene i hitne intervencije u oblasti voda	18.186,00
13.	Saobraćajna signalizacija	9.280,00
14.	Uklanjanje bespravno izgrađenih objekata i izrada tabli	8.576,00
15.	Sanacija udarnih rupa	21.253,00
16.	Održavanje drvenih mostova	36.239,00
17.	Sanacija klizišta	37.084,00
18.	Sanacija Centralnog spomen-obilježja u Bos.Krupi	23.065,00
19.	Nabavka i postavljanje parkovskih klupa, kanti za smeće i cvijeća	21.864,00

20.	Čišćenje divljih deponija	10.000,00
21.	Pumpa za vodovod Pištaline Centar	2.808,00
	UKUPNO	463.935,00

OSTALI POSLOVI

Pored ulaganja u kapitalne projekte radili smo i ulagali u realizaciju drugih projekata i to:

- Projekt MEG – aktivnosti u okviru projekta MEG su provođene prema potpisanom sporazumu i dinamici koja je usvojena od strane UNDP-a. U okviru odobrenih projektnih aktivnosti zajedničkim sredstvima Općine i UNDP-a su realiziran i Program poticaja privrednog sektora.
U okviru MEG projekta proveden je postupak dodjele poticaja privrednicima na osnovu javnog poziva. Planirana sredstva za poticaje su 40.000,00 KM u Budžetu Općine Bosanska Krupa i 40.000,00 KM od strane UNDP-a. Poticaje je dobilo 8 privrednika, u toku kalendarske godine uplaćene su I i II tranša sredstava i praćenje realizacije ugovora se nastavlja u sljedećoj kalendarskoj godini.
- Kada su u pitanju radovi na zaštiti „Malih ada“ u Bosanskoj Krupi - Projekat zaštite od erozije „Zelenih otoka“- Male ade u B.Krupi – provedena procedura izbora izvođača i izvođač uveden u posao.

VIII JAVNOST I TRANSPARENTNOST RADA

Jedno od značajnih pitanja u radu Općinskog organa uprave je i pitanje transparentnosti rada i dostupnosti informacijama građanima, privrednim subjektima i drugim subjektima o pitanjima za koje imaju interes. Ono se ogleda u dosljednoj primjeni Zakona o slobodi pristupu informacijama, učešću javnosti u svim postupcima za koje je zakonom propisano uključivanje javnosti (javni uvid, javne rasprave, i sl.), provođenje anketa, primjedbe, prijedlozi i mišljenja.

U jednoj lokalnoj zajednici stepen ostvarene demokratičnosti mjeri se, između ostalog, i učešćem građana u procesu donošenja odluka koje su od općeg interesa. Kako bismo osigurali osnovne pretpostavke za uključivanje građana u ove procese, trudili smo se u proteklom periodu da kontinuirano izvještavamo o svim aktivnostima općinskog organa uprave, a uspostavljali smo i alate dvosmjerne komunikacije kako bi se čuo glas građana. Naš cilj je od građana dobiti povratne informacije. Stoga, građane pozivamo da putem alata komuniciranja (društvene mreže, web-stranica Općine, kutija za komentare i žalbe u prijemnoj kancelariji itd.) iskažu svoje mišljenje, sugestiju, kritiku ili primjedbu koja se odnosi na rad općinskih službenika.

Službena web-stranica je redovno ažurirana, redovno se na adrese pedesetak najznačajnijih medijskih kuća i novinara šalju informacije iz Općine, svakodnevno smo bili na usluzi novinarima i dr.. Sve one inicijative, sugestije, prijave, pohvale i kritike koje su

dobronamjerno napisane kako bismo zajedno gradili sigurnije i uređenije okruženje, pratimo, čitamo i bilježimo. Svaka anonimna prijava je zaprimljena i bila je predmet postupanja i intervencije. Svim građanima koji žele ostati anonimni garantiramo anonimnost.

Svakodnevnim aktivnostima omogućili smo građanima da utječu na donošenje ključnih odluka i uopće na kvalitet svog života. Učešće javnosti u postupku izrade i donošenja odluka, planskih i razvojnih dokumenata osigurano je pružanjem uvida u nacрте, putem javnih rasprava, objavama u sredstvima javnog informisanja, te putem web stranice Općine Bosanska Krupa.

Osim navedenih aktivnosti i koordinacije rukovođenja općinskim službama, općinski načelnik se neposredno angažovao i na rješavanju drugih pitanja iz nadležnosti lokalne zajednice i od značaja za građane, privredne i druge subjekte, te brži razvoj lokalne zajednice u cjelini. Nastavili smo dobru saradnju sa Međunarodnim fondom za poljoprivredni razvoj (IFAD) - Uredom za koordinaciju projekata u poljoprivredi F BiH i Fondacijom za održivi razvoj (OdRaz), Razvojnog, Svjetskog (WB), Evropskom investicionom bankom (EIB), kantonalnim i federalnim ministarstvima.

Pored navedenog tokom izvještajnog perioda održao se i niz sastanaka s građanima, predstavnicima pravnih i fizičkih osoba, ustanova, udruženja, zainteresiranih potencijalnih investitora.

IX ZAKLJUČAK

Iako su u ovom izvještajnom periodu urađeni planirani poslovi, kao i mnogo poslova koji su se u toku godine pojavili kao prioritetni, treba naglasiti da se susrećemo sa mnogim problemima u radu, te s toga u narednom periodu očekujem i nadam se većoj saradnji i podršci od strane Općinskog vijeća na realizaciji zajedničkih projekata. Podneseni Izvještaj o radu općinskog načelnika Općine Bosanska Krupa za 2020. godinu sadrži prikaz poslova i zadataka iz nadležnosti Načelnika kao izvršnog organa Općine Bosanska Krupa. Općinski načelnik je uz stručnu, administrativnu i tehničku pomoć službi u Općini Bosanska Krupa, a u okviru finansijskih mogućnosti planiranih Budžetom, u izvještajnom periodu obavljao poslove iz svoje nadležnosti na način koji će osigurati uslove za što kvalitetnije zadovoljavanje lokalnih potreba građana općine Bosanska Krupa, te je stoga u 2020. godini nastojao odgovorno i kvalitetno ispuniti svoju obavezu vođenja izvršnih poslova Općine kao jedinice lokalne samouprave.

Kao i prethodnih godina, Općina Bosanska Krupa će kao jedinica lokalne samouprave biti pokretač aktivnosti u stvaranju i poboljšanju ukupne ekonomske situacije, kroz podršku lokalnom ekonomskom razvoju, javno i transparentno izvršenje budžeta i stvaranje partnerstva između općine, privrednog i nevladinog sektora. Općinski načelnik izražava apsolutno opredjeljenje za ubrzanim razvojem općine Bosanska Krupa. U narednom periodu aktivnosti će biti posebno usmjerene na oblasti privrede i socijalne zaštite kao najopterećenijih oblasti preko kojih građani najviše rješavaju svoje životne probleme. Unaprijedit ćemo poslovanje javnih ustanova, kao i njihovo mjesto i ulogu u razvoju lokalne zajednice, a kapacitete javnih preduzeća ćemo razvijati kao značajan općinski potencijal.

Postoji još mnogo stvari koje bi nekog mogle zanimati o radu Općinskog načelnika i organa uprave i mnogo informacija koje nisu mogli stati u Izvještaj. Općinski načelnik kao organ lokalne vlasti dio je lokalne samouprave i u radu Općinskog načelnika (uostalom kao i

Općinskog vijeća) uključen je organ uprave, brojne institucije, brojni pojedinci, komisije, timovi... Svi oni omogućili su provođenje u izvještaju opisanih aktivnosti. Ukupan pogled na rad u 2020. godini valja uzeti u kontekstu vremena i okolnosti, izazova i prilika koji su bile pred svima nama.

Pored planiranih poslova, Općinski načelnik će svoje aktivnosti i dalje usmjeravati i na sva ostala pitanja koja se nametnu kao važna, a sve u cilju da područje općine Bosanska Krupa postane privlačnije za ulaganja, rad, ali i život i perspektivu stanovništva.

Broj: _____/21
Bosanska Krupa, 16.2.2021.godine

OPĆINSKI NAČELNIK
Armin Halitović